


2017ko urtarrilean erregistratutako langabezia

2017ko urtarrilean zehar LANBIDEko bulegoetan 2.904 langabe gehiago erregistratu dira. Horrek esan nahi du igoera balore erlatiboetan %2,13koa izan dela, eta 139.077 langabe daudela. Langabetu kopurua igo bada ere, aurreko urteko datuekin alderatuta, mende honetako urtarila onena bezala kokatzen da. Ondoren 2005eko datua egongo litzateke, 3.506 langabekoa izan zen igoera. Urtarrila beti izan da langabezia igotzen den hilabetea.

Langabetuen hilabeteko saldoaren bilakaera



Urtearteko saldoak erakusten du 15.715 langabe gutxiago daudela. Ekaina eta iraila artean langabezia apur bat hazi bazen ere, langabetuen jaitsieraren erritmoa egonkortze bidean da-goela antzematen da.

Erregistratutako langabetuen urte arteko saldoaren bilakaera



• SEXUA

Azken hilabeteen langabezia emakumeen artean gehiago igo da, %3,7 (2.741 gehiago), gizonen artean baino, %0,26 (163 gehiago). Urtearteko saldoari dagokionez, gizonen artean gehiago murrizten da (%12,5).

• A D I N A

Adin tarte guztietan langabeziaren igoera sumatzen da. 45 urte baino gehiagokoen igoera nabarmentzen da, langabezia egoeran gehiago irauten baitute. Lan munduratzeko zailtasuna handiagoa da adinean aurrera egiten dugun heinean. Ekonomia, egun, hobetzen ari bada ere, egiturazko langabezia handia utziko du krisiak langabe zaharrenen artean.

• J A R D U E R A E K O N O M I K O A

Aurreko hilarekin alderatuz gero, zerbitzu sektoreko langabezia da gehien hazi dena bai balore absolutuetan (+3.152), baita erlatiboetan ere (%3,59). Langabeziak ere gora egin du aurretik enplegurik izan ez dutenen artean (%1,7, 263 pertsona). Industrian 293 langabe gutxiago daude (%1,69), eraikuntzan 146 gutxiago (%1,18) eta lehen sektorean 72 gutxiago (%2,25).

Datuak zehatzago aztertuta, zera ikusten da: txikizkako merkataritzan hazi da gehien (762 langabe gehiago daude). Beste arlo hauetan ere nabarmen hazi da langabezia: egoitzetako laguntza (+495), janarien eta edarien zerbitzuak (+393) eta eraikuntzetako laguntza eta lore-zaintza jardueretan (+345). Aitzitik, arlo hauetan jaitsi da gehien langabezia, balore absolutuetan, azken hilabeteen: lanarekin erlazionatutako jarduerak (-387), hezkuntza (-314) eta produktu metalikoen fabrikazioa (-97).

• L A N G A B E Z I A R E N I R A U P E N A

Hilabete honetan, epe laburreko 2.627 langabe gehiago zenbatu dira, eta epe luzeko 277 gehiago. Urte osoari begiratuz gero, ikusten da jaitsiera handia izan dela bi multzotan. Ekonomiaren susperraldia, bada, aukerak eskaintzen ari da langabe kronifikatuenei.

• L A N G A B E T U E N K O K A P E N G E O G R A F I K O A

Azken hilabeteen langabezia lurralde guztietan igo da.

Arabaren %10,5 jaitsi da azken urtean, EAEko batezbestekoa baino apur bat gehiago. Erregistratutako langabezia-indizea, hortaz, %14,3koa izan da, EAEko indizea baino 9 hamarren altuagoa.

Gipuzkoan Arabaren baino apur bat gehiago egin du behera langabeziak azken urtean; zehazki %11,2. Krisiari hobekien aurre egin dion lurralde historikoa da, eta krisitik irteteko ere hura da egoera onenean dagoena. Erregistratutako langabezia indizea %11,3koa da, EAEko txikiena.

Bizkaian urte arteko jaitsiera %9,5ekoa izan da, EAEko batezbestekoa baino baxuxeagoa. Erregistratutako langabezia indizea %14,5ekoa da, EAEko handiena.

Hiriburuak aztertuta, ikusten da Gasteizen hazi dela gehien langabezia, azken hilean 641 langabe gehiago zenbatu dira-eta. Bilbon, berriz, 581 langabe gehiago daude, eta Donostian, azkenik, 405 gehiago. Beste eskualde hauetan ere gora egin du langabeziak martxoan: Ezker Eskualdea (+550), Oarsoaldea (+145) eta Bidasoa Behera (+139). Eskualde hauetan, ordea, nabarmen egin du behera langabeziak: Lea Artibai (-96) eta Durangaldea (-92).

2017ko urtarrilean erregistratutako langabezia

• LANGABEZIA - PRESTAZIOA

2017ko urtarrilean 41.238 langabek kobratu dute langabezia-prestazioaren bat, hau da, aurreko hilean baino 1.819 gehiago. Langabeen %29,7k du gizarte-prestazio hori jasotzeko eskubidea. 23.016 langabek jasotzen dute ordaindutakoaren arabera prestazioa, hau da, langabeen %16,5 dira horiek. 18.222 langabek (%13,1), berriz, langabeziagatik prestazioa jasotzen dute.

Aurreko hilarekin alderatuz, langabeziagatik estaldura-tasak 0,8 puntu egin du gora, eta aurreko urtearekin alderatuta behera egin du 1,9 puntu. Langabeziagatik estaldura jaistearen arrazoa zera da: langabeziari prestazioak kobratzeko eskubidea murrizten ari dela epeak agortzen ari direlako.

• IKASKETA MAILA

Langabeen %62k (86.219 lagun), oinarrizko ikasketak ditu, gehienez ere. Azken hilean, oinarrizko prestakuntza dutenen artean, 946 langabetu gehiago erregistratu dira. Talde horretan %9,1 jaitsi da langabezia azken urtean.

Batxilergo-titulua duten lagunak langabeen %8,6 dira. Talde horretan %2,8 igo da langabezia azken hilean, eta azken urtean %9,3 jaitsi da.

Lanbide-heziketa ikasi eta langabezian dauden lagunak 24.084 dira, hau da, langabeen %17,3. Talde horretan %5,3 igo da langabezia azken hilean, eta %12,7 jaitsi azken urtean.

Azkenik, langabeen %12k (16.808 lagun), egin ditu unibertsitateko ikasketak. Ikasketa maila hori dutenen artean, 426 lagun gehiago daude langabezian. Horrek esan nahi du, bada igoera %2,6koa izan dela. Azken urtean, berriz, %12,2koa izan da jaitsiera.

• JATORRIA

Langabeen %15,6 (21.652 lagun) atzerritarrak dira. Aurreko urteko abenduarekin alderatuta, ikusten da langabezia gehiago hazi dela bertakoen artean (%2,4) atzeritarren artean baino (%0,5).

Langabe atzeritarren %36,6 Afrika iparraldekoak dira, %20,1a Europako Esparru Ekonomikotik datoz, %19,9 Latinoamerikatik, %15,4a Saharaz hegoaldeko Afrikatik, eta %5,5, azkenik, Asiatik.

• KONPARAKETA ESTATUKO DATUEKIN

Estatuan 67.037 langabe gehiago daude, horrek esan nahi du langabezia %1,7 igo dela; 0,43 puntu gutxiago EAEko igoera baino. Urte arteko datuei erreparaturik, estatuan %9,55 jaitsi da langabezia eta %10,15 EAEn.

Urtarrilean zehar, erregistratutako langabezia soilik bi Autonomia Erkidegotan jaisten da, Katalunian (-%0,08) eta Balear Uharteetan (-%0,03), jaitsierak oso apalak izanik. Gainontzeko erkidegotan langabezia igo egin da, gehien Kantabrian %4,06.

2017ko urtarrilean erregistratutako langabezia

Lan-eskatzaille langabeak 2017ko urtarrilean

	urt-2017	abe-2016	Saldoa	Bil %
SEXUA:				
GIZONEZKOAK	62.516	62.353	163	0,26%
EMAKUMEZKOAK	76.561	73.820	2.741	3,71%
25 URTEZ AZPIKOAK:				
GUZTIRA	8.659	8.182	477	5,83%
GIZONEZKOAK	4.402	4.186	216	5,16%
EMAKUMEZKOAK	4.257	3.996	261	6,53%
25-44 URTE:				
GUZTIRA	63.900	62.925	975	1,55%
GIZONEZKOAK	28.271	28.525	-254	-0,89%
EMAKUMEZKOAK	35.629	34.400	1.229	3,57%
45 URTEZ GORAKOAK:				
GUZTIRA	66.518	65.066	1.452	2,23%
GIZONEZKOAK	29.843	29.642	201	0,68%
EMAKUMEZKOAK	36.675	34.400	2.275	6,61%
SEKTOREA:				
NEKAZARITZA ETA ARRANTZA	3.134	3.206	-72	-2,25%
INDUSTRIA	17.020	17.313	-293	-1,69%
ERAIKUNTZA	12.265	12.411	-146	-1,18%
ZERBITZUAK	90.944	87.792	3.152	3,59%
AURREKO ENPLEGURIK GABE	15.714	15.451	263	1,70%
LURRALDE HISTORIKOA:				
ARABA	22.783	22.131	652	2,95%
BIZKAIA	78.465	77.077	1.388	1,80%
GIPUZKOA	37.829	36.965	864	2,34%
EAE	139.077	136.173	2.904	2,13%

	Langa- betuak	Erregistra- tutako langabezia indizea	Aurreko hilabetea		Aurreko urtea	
			Saldoa	Bil %	Saldoa	Bil %
Bidasoa Behera	4.840	13,2%	139	2,96	-881	-15,40
Oarsoaldea	4.342	12,8%	145	3,45	-554	-11,32
Donostia-S.Seib.	9.138	11,1%	405	4,64	-977	-9,66
Donost.Mendebaldea	3.734	10,8%	51	1,38	-607	-13,98
Tolosaldea	2.512	11,1%	4	0,16	-371	-12,87
Urola Erdia	1.630	10,8%	22	1,37	-281	-14,70
Goiherri	1.885	8,9%	-50	-2,58	-168	-8,18
Deba Garaia	2.985	10,0%	-24	-0,80	-297	-9,05
Deba Behera	3.369	12,9%	49	1,48	-359	-9,63
Urola Garaia	1.323	10,9%	20	1,53	-49	-3,57
Urola Kosta	2.071	9,7%	103	5,23	-238	-10,31
GIPUZKOA	37.829	11,3%	864	2,34	-4.782	-11,22
Vitoria-Gasteiz	17.828	15,1%	641	3,73	-2.231	-11,12
Aialako Ibarra	2.632	14,1%	-50	-1,86	-305	-10,38
Arabar Errioxa	812	13,9%	27	3,44	-55	-6,34
Arabako lautada	831	10,9%	9	1,09	-71	-7,87
Gorbeia inguruak	302	6,4%	14	4,86	-46	-13,22
Arabako Ibarrek	454	8,8%	4	0,89	-44	-8,84
Arabako Mendialdea	133	8,1%	5	3,91	9	7,26
ARABA	22.783	14,3%	652	2,95	-2.666	-10,48
Gobela	5.580	11,2%	108	1,97	-676	-10,81
Txorierrri	2.695	12,1%	133	5,19	-299	-9,99
Uribelaldea	3.620	11,2%	75	2,12	-82	-2,22
Durungaldea	3.800	10,2%	-92	-2,36	-542	-12,48
Busturialdea	2.651	12,3%	-28	-1,05	-291	-9,89
Lea-Artibai	1.048	8,4%	-96	-8,39	-200	-16,03
Enkarterriak	2.623	16,4%	88	3,47	-250	-8,70
Arratia-Zornotza	1.743	10,2%	-40	-2,24	-160	-8,41
Arratia-Nerbioi	1.618	12,6%	-3	-0,19	-225	-12,21
Bilbo	26.762	16,8%	581	2,22	-2.453	-8,40
Ezkerraldea	20.620	16,7%	550	2,74	-2.390	-10,39
Ibaizabal	5.496	14,0%	114	2,12	-621	-10,15
BIZKAIA	78.465	14,5%	1.388	1,80	-8.267	-9,53
EAE	139.077	13,4%	2.904	2,13	-15.714	-10,15